
ФАРҶОНА ВИЛОЯТИ ДЕЛЕГАЦИЯСИ – ТОҶИКИСТОННИНГ СЎҒД ВИЛОЯТИДА

Вилоят ҳокимининг ўринбосари Алибек Турсунов бошчилигидаги расмийлар, вилоятдаги пахтачилик ва пиллачилик кластерлари раҳбарлари, чорвачилик хўжаликлари раҳбарлари, тадбиркорлардан иборат Фарғона вилояти делегацияси ҳудудлараро тўғридан тўғри ҳамкорликни ривожлантириш мақсадида амалий ташриф билан Тоҷикистоннинг Сўғд вилоятида бўлиб турибди.

Кеча делегация вакиллари Сўғд вилояти раиси Ражаббой Аҳмадзода билан учрашдилар. Учрашувда икки вилоят ўртасида ҳамкорликни ривожлантириш истиқболлари ва ўзаро савдо айланмасини ошириш бўйича амалий чора-тадбирлар муҳокама қилинди.

Фарғона вилояти делегацияси аъзолари, икки кун давомида Сўғд вилоятидаги корхоналар фаолияти билан яқиндан танишишади, ишбилармон доиралар билан учрашувлар ташкил этилади. Ташриф якунида мева-сабзавотчилик, пахтачилик-текстиль, асаларичилик, уруғчилик, пиллачилик ҳамда чорвачилик соҳаларида қўшма лойиҳаларни амалга ошириш бўйича ҳамкорлик келишувлари имзоланиши кутилмоқда.

Терини қайта ишлаш ва пойабзал ишлаб чиқариш, сутни қайта ишлаш йўналишларида ҳамкорликда лойиҳаларни йўлга қўйиш, Сўғд вилоятига 30 минг қути ипак қурти уруғи ва 25 мингта асалари оилалари етказиб бериш бўйича дастлабки келишувларга эришилди.

[Бизни ижтимоий тармоқларда кузатинг Facebook, Telegram, Facebook, YouTube, Instagram](#)

2022-06-02 14:10:12